

大書紀要

八三十一

EXS. 1
1011

			九二一三	漢書門
四一〇三				
冊架函號類				

庫文閣內				
九五九	九二一三	漢書		
冊架	冊架	冊架	冊架	冊架

內閣文庫	
番號	漢 9213
冊數	4(3)
函號	295 12




太常紀要卷八

光祿大夫太常寺卿加五級臣江夔編輯

祀禮 社稷壇 朝日壇 夕月壇

社稷壇建於

淺草文庫



闕右爲制二成四面石階各三級上成用五色土中黃
東青南赤西白北黑隨方築之壇西南砌瘞位四面開
孺星門西門外西南建神庫庫南爲神廚北門外爲
拜殿外天門四座西門外南爲宰牲亭外爲 社稷

街門

明吳元年太社太稷異壇同壇建於宮城之右北向
以勾龍后稷配社石主半埋土中稷不設主命協律

郎冷謙考正雅樂音律及鐘磬等器并定樂舞之制
 令社稷正配位俱用祝文每獻禮先獻太社及配位
 次獻太稷洪武元年令風雨齋官望祭三年建祭殿
 於壇北又北為拜殿以備風雨四年定祭太社太稷
 正位用祝文配位不用十年上日古人以社為五土
 之神稷為五穀之神土主發生五穀用之以生而乃
 一園之中各壇而祭是土穀不合於生生之意也行
 禮之時先社固宜而又先奠社配乃行稷神之禮此
 果合人情乎乃更祀社稷於闕右同壇同壇埋石主
 於壇中更為社稷神牌而丹漆之臨祭并設自奠帛
 至終獻皆同時行禮是年以禮官張籌議罷勾龍后
 稷配仁祖西向三十二年以後徹仁祖配太祖永樂
 中京師壇成位置如故仁宗又奉成祖配嘉靖九年
 諭禮官奉太祖成祖配位藏太寢仍以勾龍后稷配
 明洪武元年太祖命省臣議於社稷上創屋以備風
 雨翰林學士陶安奏禮天子太社必受風雨霜露以
 達天地之氣若亡國之社則屋之不受天陽也今於
 壇創屋非宜若祭而遇風雨則於齋宮望祭從之
 祭時壇下依臺階東西各官二員相對側立俱執長

竿向

神位驅逐飛禽如遇風雨

上於拜殿內門檻南行禮隨祀王貝勒貝子公等在殿外

中甬路兩傍行禮各官在王公後行禮

康熙十六年春祭

上親詣行禮是日雨贊引官以舊例奏恭請

聖駕於拜殿內行禮奉

上諭仍照常行禮而遇雨拜殿行禮之例竟未經行

聖主昭事之誠固已度越往代矣

一成上東為

太社西爲

太稷皆北向以

后土勾龍氏西向

后稷氏東向配歲仲春仲秋上戊日

上親行禮凡 國有大事則祭告

視牲看牲儀

前期三日本寺卿同 內大臣及禮部堂上官光祿

寺卿省牲 儀同前

進齋戒牌銅人儀

前期三日本寺官率鋪排執 御仗紗燈進齋戒牌

銅人於

乾清門致齋三日 儀同前

視祝版儀

前期二日本寺官恭捧祝版於

中和殿候填

御名訖捧安於

社稷神庫

前期三日本寺官率樂舞生於神樂觀凝禧殿演習

禮樂

前期一日本寺官率廚役洗玉爵祭器陳庭燎午後

大常紀要 卷八 皇帝親詣行禮儀注

祭日太常寺堂上官一員赴

後左門啟奏時辰

上出宮禮部太監鳴

午門鐘太常寺贊引官對引官預在北天門外

上降輿處恭埃內鑾儀衛官先於行禮處及

太社

太稷香案前鋪拜褥

上由北橫門入降輿贊引官右對引官左次十大臣後導

上進北天東門至

拜殿後盥手畢導至北櫺星門行禮處

上近拜褥立隨

駕二大臣王貝勒貝子公在後各分翼排立隨祀各官在

行禮處排立典儀官唱樂舞生就位執事官各司其

事贊引官奏就位

上就拜褥上立典儀官唱瘞毛血唱迎神

太社

太稷各司香官一員捧香盒各詣

神位前跪唱樂官唱迎神樂奏廣平之曲贊引官奏陞壇

導

上詣

太社香案前贊引官奏跪

上跪奏上香司香官呈香盒上香三上香畢司香官退

上與立贊引官導

上詣

太稷香案前儀與

太社同贊引官奏復位

上復位立配壇

后土勾龍氏

后稷氏位前各上香官一員各詣

神位香案前上香三上香畢退樂止贊引官奏跪

上行三跪九叩頭禮王以下隨祀各官俱隨行三跪九叩

頭禮典儀官唱奠玉帛行初獻禮

太社

太稷位前各捧玉帛官一員各執爵官一員

后土勾龍氏

后稷氏位前各捧帛官一員各執爵官一員陞階依序

立唱樂官唱初獻樂奏壽平之曲奠玉帛獻爵讀祝

儀與祀天同贊引官奏叩興

上行三叩頭禮王以下隨祀各官俱隨行三叩頭禮樂止

典儀官唱行亞獻禮唱樂官唱亞獻樂奏嘉平之曲
儀與初獻同樂止典儀官唱行終獻禮唱樂官唱終
獻樂奏雍平之曲儀與亞獻同樂止唱賜福胙儀與
祀 天同贊引官奏叩興

上行三叩頭禮贊引官奏跪叩興

上行三跪九叩頭禮王以下隨祀各官俱隨行三跪九叩
頭禮立典儀官唱徹饌唱樂官唱徹饌樂奏熙平之
曲樂止典儀官唱送神唱樂官唱送神樂奏成平之
曲贊引官奏跪叩興

上行三跪九叩頭禮王以下隨祀各官俱隨行三跪九叩

頭禮立樂止典儀官唱捧祝帛饌詣燎位起香祝帛
饌各官詣各

神位前起香祝帛饌由中路送詣燎位徹玉官二員詣
太社

太稷位前捧玉退奏樂焚祝帛於燎爐傍立官一員數帛
贊引官奏禮畢贊引官對引官導

上由北天門出陞輿回宮

皇太子行禮儀注

皇太子至北橫門內入幄次盥手畢由北天門東門

戟門

拜殿東楹門入行禮在

上位次少後其行禮拜位並

太社

太稷香案前俱鋪金黃拜褥不設福酒胙不擊

午門鐘不齋戒之王以下各官不齊集餘儀俱與

皇帝親祭同

遣官行禮儀注

承祭官進南天門行甬路至南櫺星門贊引官對引

官引從行禮處坐燈前進其行禮在壇下登降亦由

中路木階不設福酒胙不鋪拜褥王以下輔國公以

上不陪祀餘儀與

皇帝親祭同

祝文

維康熙 年歲次 月 朔越日

皇帝遣 敢昭告於

社稷之神曰惟

神贊輔

皇天發生嘉穀粒我烝民萬世永賴茲當仲春謹以玉帛牲

醴庶品致祭報謝配以

后土勾龍氏

后稷氏尚

饗

樂章 樂七奏
舞八佾

迎神 廣平

猗歟土穀兮功化隆蒸民立命兮九域同壇壝嚴肅
兮風露通我稷翼翼兮俎豆豐望雲駕兮駿鸞龍秉
圭植璧兮予親躬

奠玉帛 壽平

禮祀黝牲兮北郊同清酏既載兮臨齋宮朝踐初舉
兮鑿予衷洋洋在上兮錫福洪

亞獻 嘉平

樂具入奏兮聲喤喤兕觥其觶兮恭再揚厚德配地
兮祐家邦屢豐年兮兆庶康

終獻 雍平

方壇北宇兮神中央盈廷恢舞兮時低昂酌醕三爵
兮綠醕香新舊邦兮命溥將

徹饌 熙平

籩豆大房兮儼成行歆此吉蠲兮猶迴翔椒漿瑤席
兮餘芬芳黍稷非馨兮悅且康

送神 成平

孔蓋翠旌兮隨風颺龍翰容與兮指天闡咫尺神靈
兮隔穹蒼流景祚兮卜世昌

望瘞

牲玉陳兮延景光百靈既洽兮終瘞藏願神聽兮時
予匡四海攸同兮惠無疆

祭品

太社珪一

太稷璧一

每祭祝版一

白紙糊黃紙鑲邊寫墨字

每祭黑色禮神制帛四端

每壇各一端

每祭降真方柱香四炷

每壇各一炷

降真香一百六十

塊

每壇四十塊

粗降真香二觔十一兩

炭餅二十六

個 一年朔望共用粗降真香一觔八兩 炭餅二

十四個

每年二祭共用黃蠟一觔重十二枝 六兩重十六

枝 三兩重六枝 二兩重一百四十四枝 一兩

重二十枝 一年朔望共用二兩重四十八枝

每祭用黍稷梁米各四升 稻米一斗 麥麩蕎麥

麩各八觔 造糗餌粉糍粳米二斗 菁菜五觔

芹菜二觔十二兩 韭菜一觔十二兩 葱八兩

每祭供酒二十四瓶 滌魚酒二瓶 鹽磚二觔

白鹽一觔

每祭紅棗八觔 栗十觔 榛仁七觔 菱米十二

觔 芡實十四觔 白糖一觔 蜂蜜二兩 梔子

二兩 花椒二兩 茴香二兩 蒔蘿一兩 大笋

四塊

每祭牛五 四壇各一羹一 羊五 四壇各一 豕五

四壇各一 鹿一 四壇鹿脯 兔四 四壇兔 醢魚

十尾 藁魚六尾

器用

正壇紅油神牌供案各一張 黃緞案衣二圍 紅油供爵桌各

一張 黃緞桌衣二圍 玉爵各一隻 白磁爵各二隻

配壇紅油神牌供案各一張 黃緞案衣二圍 紅油供爵桌各

一張 黃緞桌衣二圍 白磁爵各三隻 紅油爵墊三連

正配壇紅油籩豆供案各一張 錫裏紅油牲匣各一

副 紅油香帛供案各一張 黃緞案衣四件 銅香爐各一

個 羊角觥燈各一對 紅油饌盤各一面 饌桌

各一張 黃緞桌衣四件 白磁碗各三個 白磁盤各二十

八面 白磁酒樽二個 銀杓二把 紅油祝案一

張 黃緞案衣一圍 紅油祝版架一個 羊角燈一個 紅

油孔桌一張 黃緞桌衣一件 紅油接桌二張 黃緞桌衣二件 紅

油福胙桌一張 黃緞桌衣一件 白磁爵一隻 白磁壺一

執 白磁盤一個 壺爵盤俱光祿寺預備如遣官俱不設 紅油帛匣

四個 盛玉並盛玉爵紅油匣一個 紅油香盒四

個 盛瘞毛血白磁盤十二個 紅拜褥一條 紅

油金字拜牌一面 壇下鼎爐二座 紅油香盒二個 北櫺

星門外鼎爐二座 紅油香盒二個 東西南三櫺星門紅油

桌各一張 銅爐各一座 紅油香盒一個 焚祝帛香饌

鐵燎爐一座 座燈四座 壇下用二神庫用二 插燈三十六

座 御拜位前用四北天門內用四南西東三門用八社街門用四柵欄門內用十六

製造品物 與二郊同

定盛品物 與二郊同

樂器 與二郊同惟鐘係鍍金樂舞生各着紅色銷金花服

遣官告祭行禮儀注 與春秋遣儀同惟不設配位不奠玉不作樂

祝文 隨所宜行事撰文

陳設品物

鹿一 正二案鹿脯鹿醢用各一盤

兔二 正二案兔醢用各一盤

棗 桃 榛 葡萄 蓮子 每案各五盤

酒二罇 每案各一罇

羊角魴燈四座 每案各二座

銅爐二座 每案各一座

禮神制帛二 元色每案各一

降真方柱香二 每案各一

降真塊香四十 每案各二十塊

粗降真香一觔十二兩五錢

白磁爵六 每案各三

朝日壇 明嘉靖九年建

壇在朝陽門外東南二里許西向繚以垣墻為制一成壇方廣五丈高五尺九寸壇面用紅瑠璃階九級

俱白石內櫺星門四座西門外為燎爐瘞池西南為

具服殿東北為神庫神廚宰牲亭燈庫鐘樓北為遺

官房外為天門二座北天門外為禮神街牌坊西天

門外迤南為陪祀官齋宿房五十四間 舊有護壇地一百畝

明初有朝日之祭洪武二十一年始增大明壇於大祀殿之丹墀從祀天地罷朝日祭嘉靖九年建南

北郊分祀天地乃以大明從祀園丘復建壇於東郊專祭二月春分之日祭大明之神於朝日壇神位

版金地朱書其祝文紅紙版朱書嘉靖十一年定朝日壇間歲一親祭以甲丙戊庚壬年行事餘年遣大臣攝之其應遣官之年本寺題請欽遣文職大臣一員行禮後收遣勳戚武臣

朝日壇祠祭署建於壇北門之西中為公座左右為官舍

前為署門

大成上

大明之神居中西向

進齋戒牌銅人儀注

前期三日本寺官率鋪排執 御仗紗燈進齋戒牌

銅人於

乾清門致齋二日 儀同前

進祝版儀注

前期二日本寺官捧祝版於

中和殿候填

御名訖捧出

午門外安於祝版亭內廚役昇至

朝日壇神庫奉安 儀同前

省牲儀

前期一日本寺官同內大臣禮部堂上官光祿寺卿

省牲 儀同前

前期二日本寺堂上官詣神樂觀凝禧殿演習禮樂

前期一日本寺官率廚役洗玉爵祭器午後樂舞生

設樂器本寺官奉安

神牌陳設籩豆牲隻

一陳設

皇帝親詣行禮儀注

祭日太常寺堂上官一員赴

後左門啟奏時辰

上出宮由朝陽門出內鑾儀衛校尉鳴壇內鐘太常寺贊

引官一員對引官一員預在北天門外

上降輿處恭埃

上至降輿贊引官右對引官左次十大臣後導

上由北天門中門進入更衣幄次盥手畢贊引官對引官

導

上由櫺星門南門入拜位鋪拜褥官赴

御拜幄次內跪鋪拜褥退

上進御拜幄次近拜褥立二大臣隨後兩傍立王貝勒貝子

公等在階下排立隨祀各官就行禮處排立拜位安

拜牌官進跪安拜牌於拜褥前退典儀官唱樂舞生

就位執事官各司其事贊引官奏就位

上就拜褥上立典儀官唱迎神唱樂官唱迎神樂奏寅曦

之曲樂止贊引官奏跪

上行三跪九叩頭禮王以下隨祀各官俱隨行三跪九叩

頭禮立典儀官唱奠玉帛唱樂官唱奠玉帛樂奏朝

曦之曲贊引官導

上詣香案前立奏跪奏上香三上香畢贊引官奏奠玉帛
典儀官唱行初獻禮唱樂官唱初獻樂奏清曦之曲
獻爵讀祝儀與祀 天同典儀官唱行亞獻禮唱樂
官唱亞獻樂奏咸曦之曲儀與初獻同典儀官唱行
終獻禮唱樂官唱終獻樂奏純曦之曲儀與亞獻同
壇上官一員唱答福胙飲福受胙儀與祀 天同贊引
官奏叩興

上行三叩頭禮立贊引官復奏跪叩興

上行二跪六叩頭禮傳贊同王以下隨祀各官俱隨行二
跪六叩頭禮起立典儀官唱徹饌唱樂官唱徹饌樂
奏延曦之曲捧玉帛官詣帛案前跪一叩頭徹玉退
樂止典儀官唱送神唱樂官唱送神樂奏歸曦之曲
贊引官奏跪叩興

上行三跪九叩頭禮傳贊同王以下隨祀各官俱隨行三
跪九叩頭禮起立樂止典儀官唱捧祝帛饌詣燎位
起祝帛香饌官捧祝帛香饌由中甬路送詣燎位奏
樂焚祝帛於燎爐傍立官一員數帛贊引官奏禮畢
導

上陞輿回宮王以下隨祀各官俱出

皇太子行禮儀注

皇太子於北天門外幄次盥手畢由北天門中門西櫺星門之南門進陞壇正中階行禮在

皇帝位次少後拜位鋪金黃拜褥不設拜位幄次不安拜牌不設飲福受胙不鳴壇內鐘不齋戒之王以下各官不齊集餘儀俱與

皇帝親祭同

遣官行禮儀注

承祭官由西櫺星門北門進至

壇階下四燈之中行禮登降俱由北階讀祝時承祭官近

壇之西階跪送祝帛時承祭官避立北階不設幄次拜褥拜牌不飲福受胙王以下輔國公以上不陪祀餘儀與

皇帝親祭同

祝文

維康熙 年歲次 月 朔越日

嗣天子 御名 敢昭告於

大明之神曰惟

神陽精之宗列神之首

神光下照四極無遺功垂今昔率土仰賴茲當仲春式遵

古典謹以玉帛牲醴之儀恭祝於

神伏惟

鑒歆賜福黎庶尚

饗

樂章

樂七奏
舞八佾

迎神

寅曦

於昭兮旭輪浴虞淵兮初升春已雍兮交泰循典禮
兮惟馨熳蕭艾兮祇肅神其聽兮和平

奠玉帛

朝曦

神來格兮太乙東統萬國兮玉帛同肅將享兮承筐

篚盥以薦兮孚有頤

初獻

清曦

御景風兮神式臨酌清醑兮椒其馨爵方舉兮歌且
舞憑龍勺兮吹鳳笙

亞獻

咸曦

再舉奠兮鬱金香嘉樂合兮舞洋洋神飲食兮意倘
徉容貌舒兮和以康

終獻

純曦

式禮未竭兮還升終以告虔兮醑醑願神且留兮鑒
茹以侑以勸兮至誠

徹饌 延職

儀既成兮物已饗神欲起兮運靈爽徹不敢遲兮慎
趨蹌照臨下土兮常朗朗

送神 歸時

雲車征兮風馬翔驅馳于仞兮臨萬方再拜手兮稱
送神振轡兮當陽中天麗兮徹隱普天戴兮恩光敷
和煦兮成物錫萬寶兮永康報神功兮時享祈神佑
兮悠久無疆

祭品

赤璋一

祝版一 紅紙糊寫殊字

紅色禮神制帛一端

圓柱降真香一炷 降真香二十塊 粗降真香三

觔十四兩 炭餅十四個 一年朔望共用粗降真

香一觔八兩 炭餅二十四個

黃蠟一觔重八枝 六兩重四枝 三兩重二十枝

二兩重一百五十枝 一兩重十枝 一年朔望

共用二兩重四十八枝

黍稷稻粱米各一升 麥麩蕎麥麩各二觔 菁菜

一觔六兩 芹菜十二兩 韭菜十二兩 葱六兩

供酒八瓶 滌魚酒一瓶 鹽磚一觔

紅棗一觔 栗一觔八兩 榛仁一觔十二兩 菱

米三觔 芡實三觔八兩 白糖八兩 花椒一兩

茴香一兩 蒔蘿五錢 大笋一塊

牛二羹用 羊一 豕二豚用 鹿一鹿脯鹿 兔

一兔醢 蕪魚二尾 醢魚二觔八兩

器用

正壇紅油泥金雕龍寶座一座脚踏地平全脚踏褥一件 紅粧緞

靠三件 褥一件 紅油籩豆供案一張紅色銷金龍案衣一

件 紅磁碗三個 紅磁盤二十四個 銅燭臺一

對 紅油懷桌一張紅色銷金龍桌衣一件 紅磁酒盞三十

個 玉爵三隻紅油漆墊一連 錫裏紅油牲匣一副 紅

色描金龍香几一個 銅龍香爐一個香靠全 紅油

描金龍燈几二個 羊角魴燈一對 紅油祝案一

張紅銷金龍案衣一件 紅油祝版架一個 羊角燈一個

紅油孔桌一張紅銷金龍桌衣一件 紅油接桌一張紅銷金龍桌衣

件 紅油饌盤一面 饌桌一張紅銷金龍桌衣一件 紅拜

褥三條 紅油拜牌三面 福胙桌二張紅色銷金龍桌衣二

件 白磁壺一執 白磁爵一隻 白磁盤一個壺

盤係光祿寺預備 如遣官俱不設 紅油帛匣一具 紅油香盒一

個 紅油描金龍盛玉匣一個 紅油描金龍盛玉

爵匣一個 盛瘞毛血紅磁盤三個 紅磁酒罇一

個 錫杓一把 壇內鼎爐四座 紅油香 四櫺星

門紅油桌四張 紅色銷金龍 銅爐四個 紅油香

西天門北天門紅油桌二張 紅色銷金龍 銅爐二

個 紅油香 焚祝帛香饌綠瑠璃甄燎爐一座 座

燈十座 壇上 插燈一百六座 壇下用四四櫺星門

北天門至神庫用四十八西 朝燈八座 壇後用二

天門至西櫺星門用三十二 外用二 木炭十觔

燐牲木柴六百四十觔 如遣官減一

焚帛蘆葦六十觔

製造品物 與 天壇同

定盛品物

登一 劍二 簠簋各二 籩豆各十

樂器 與 天壇同惟鐘是古銅每生各着紅色銷

夕月壇 明嘉靖九年建

壇在阜城門外西南二里許東向繚以垣墻為制一

成壇方廣四丈高四尺六寸壇面用白瑠璃階六級

俱白石內櫺星門四座東門外為瘞池東北為具服

殿南門外為神庫西南為宰牲亭神廚祭器庫北門

外為鐘樓遣官房東北外天門二座東天門外迤北

為禮神街牌坊舊有護壇地三十六畝七分

明初有夕月熒星之祭洪武二十一年增夜明一壇星辰二壇於大祀殿丹墀從祀

之祭嘉靖九年建南北郊分祀天地罷夕月熒星

辰從祀園丘復建壇於西郊專祭而以諸星神附焉

八月秋分之日祭夜明之神於夕月壇夜明之神版

黃地素書五星二十八宿周天星辰神版俱綠地金

書其祝文黃紙版素書嘉靖十一年定夕月壇每三

歲一親祭以丑辰未戌年行事餘年遣大臣攝之又

嘉靖祀典載朝日則遣文臣夕月則遣武職如聖駕

親祭則本寺前期十日題請如遣官代則本寺題請

欽定大臣一員行禮子午卯酉寅申巳亥年

本寺徑題欽定遣官行禮其分獻大臣同

夕月壇祠祭署建於壇東門內之南如朝日壇制

一成上

夜明之神居中東向

從壇

北斗七星之神

木火土金水星之神

二十八宿之神

周天星辰之神南向

進齋戒牌銅人儀注

前期三日本寺官率鋪排執御仗紗燈進齋戒牌銅人於

乾清門致齋二日儀同前

進祝版儀注

大嘗紀要

卷八 祀禮

三

前期二日本寺官捧祝版於

中和殿候填

御名訖捧出

午門外安於祝版亭內廚役昇至

夕月壇神庫奉安儀同前

省牲儀

前期一日本寺官同大臣禮部堂上官光祿寺卿省

牲儀同前

前期二日本寺堂上官詣神樂觀凝禧殿演習禮樂

前期一日本寺官率廚役洗玉爵祭器午後樂舞生

設玉器本寺官奉出

神牌陳設籩豆牲隻

一陳設

夜明之神居中東向

從壇

北斗七星之神

木火土金水星之神

二十八宿之神

周天星辰之神

共一壇俱南向

皇帝親詣行禮儀注

祭日太常寺堂上官一員赴

後左門啟奏時辰

上出宮至阜城橋內鑾儀衛校尉鳴壇內鐘太常寺贊引

官一員對引官一員預在北天門外

上降輿處恭俟

上至降輿贊引官右對引官左次十大臣後導

上由北天門中門進入更衣幄次盥手畢贊引官對引官

導由東櫺星門之中門入拜位鋪拜褥官進

御拜幄次跪鋪拜褥退贊引官導

上進幄次近拜褥立安拜牌官安拜牌二大臣隨後兩傍

立王貝勒貝子公等在臺階下排立隨祀各官就行

禮處排立分獻官於公等後中甬路北立典儀官唱

樂舞生就位執事官各司其事贊引官奏就位典儀

官唱迎神唱樂官唱迎神樂奏迎光之曲樂止贊引

官奏跪

上行二跪六叩禮傳贊官二員傳贊同王以下分獻隨

祀各官俱隨行二跪六叩頭禮起立典儀官唱奠玉

帛行初獻禮唱樂官唱初獻樂奏升光之曲贊引官

奏陞壇

上陞壇詣香案前立贊引官奏跪

上跪奏上香三上香畢奠玉帛獻爵讀祝儀俱與朝日

同贊引官奏叩奏樂

上行三叩頭禮傳贊同王以下分獻官隨祀各官俱隨行
三叩頭禮起立

從壇導引官引分獻官登北階詣

從壇香帛爵案前儀與

上詣正壇同導引官引分獻官復位樂止典儀官唱行亞
獻禮唱樂官唱亞獻樂奏瑤光之曲儀與初獻同典
儀官唱行終獻禮唱樂官唱終獻樂奏瑞光之曲儀

與亞獻同

壇上官一員唱答福胙飲福受胙儀與朝日壇同贊

引官奏叩典

上行三叩頭禮贊引官復奏跪叩典

上行二跪六叩頭禮傳贊同王以下及分獻隨祀各官俱
隨行二跪六叩頭禮起立典儀官唱徹饌唱樂官唱
徹饌樂奏函光之曲捧玉帛官詣帛案前一叩頭徹
玉退樂止典儀官唱送神唱樂官唱送神樂奏保光
之曲贊引官奏跪叩典

上行二跪六叩頭禮傳贊同王以下及分獻隨祀各官俱

隨行二跪六叩頭禮起立樂止典儀官唱捧祝帛饌
詣燎位起祝帛香饌官各捧祝帛香饌由中路送詣
燎位

從壇帛饌香由北階送至北櫺星門外燎爐內奏樂焚
祝帛香饌於燎爐傍立官一員數帛贊引官奏禮畢
導

上陞輿回宮

從壇帛饌香焚於燎爐導引官引分獻官由壇北櫺
星門至燎爐前望燎畢退王以下隨祀各官俱退
皇太子行禮儀注

皇太子在北天門外幄次內盥手畢導引官對引官導
由北天門中門東櫺星門中門進陞壇中階行禮在
皇帝位次稍後行禮位鋪金黃拜褥不設行禮位幄次不
設拜牌不飲福受胙不鳴壇內鐘不齋戒之王以下
不齊集餘儀與

皇帝親祭同

遣官行禮儀注

承祭官分獻官俱由北天門內甬路行贊引官對引
官在東櫺星門之北門承引承祭官導引官二員在
東櫺星門之南門承引分獻官俱至

壇階下四燈之中承祭官正中行禮分獻官次承祭官
 後於中路偏北行禮承祭官由南階登降分獻官由
 北階登降讀祝時承祭官跪近東階分獻官次承祭
 官後偏北跪分獻官與承祭官同登壇惟上香奠帛
 獻爵稍後祝帛送詣燎位時承祭官分獻官俱避立
 拜位南其福酒胙拜幄拜褥拜牌俱不設王以下輔
 國公以上俱不陪祀餘儀與

皇帝親祭同

祝文

維康熙

年歲次

月

朔越日

嗣天子

御名

敢昭告於

夜明之神曰惟

神配陽之德鐘陰之精周環九野普照萬方繼明於夕天

下共賴茲當仲秋式遵古典謹以玉帛牲醴庶品之

儀致祭惟

神歆格福我兆民尚

饗

樂章

樂六奏
舞八佾

迎神

迎光

猗歟太陰兮御望舒式遵九道兮遊清虛駕冰輪兮

行西陸今之夕兮來享予

奠玉帛 升光

有來雍雍幣帛在陳琮璜以嘉明德惟馨式舉黃流
兮挹犧尊籩豆靜嘉兮肴核芬

亞獻 瑞光

二齊載升維以告成歌管鏗鏘奉神之懽荷亘古兮
麗天挹清光兮几筵

終獻 瑞光

一敬畢升三舉願醕誠信潔齊天下有道鼓鐘簡兮
聲容并茂象大德兮厥光皓皓

徹饌 函光

其香旣歆對越告成徹爾登豆敬受駿奔神悅懌兮
意欣欣予以慎兮安以寧

送神 保光

駕彩霞兮驂景星御和風兮躡慶雲神欲起兮不再
停瞻天衢兮拜雲程影踰躔兮光澄清饗予祀兮意
慇懃予所祝兮世太平偃武修文兮萬世長春

祭品

白琥一

祝版一 白紙糊黃紙鑲邊寫墨字

禮神制帛十二端 白八青一紅一黃一黑一

圓柱降真香二炷 止從壇各一 降真香四十塊 正從壇各二

十 粗降真香三觔十五兩 炭餅十六個 一年

朔望共用粗降真香一觔八兩 炭餅二十四個

黃蠟一觔重八枝 六兩重四枝 三兩重四十枝

二兩重一百二十枝 一兩重九枝 一年朔望

共用二兩重四十八枝

黍稷稻粱米各一升 麥麩蕎麥麩各四觔 菁菜

四觔 芹菜四觔 蕪菜二觔 葱六兩

供酒十六瓶 滌魚酒一瓶 鹽磚二觔

紅棗四觔 栗五觔 榛仁三觔八兩 菱米六觔

芡實七觔 白糖一觔 花椒二兩 茴香二兩

蒟蘿一兩 大筭二塊

牛三 正從壇各一羹一 羊二 正從壇各一 豕三 正從壇各一豚胎一

鹿一 鹿脯鹿醢用 兔二 兔醢用 鱖魚三尾 醢魚五觔

器用

正位玉色泥金雕龍寶座一座 脚踏地平全脚踏褥一件 玉色織錦

靠三件 玉色褥一件 玉色油籩豆供案一張 玉色

緞銷金案 方銅燭臺一對 白磁碗三個 白磁

盤二十四個 玉色油懷桌一張 玉色緞銷金桌衣一件 白

磁酒盞三十個 金爵三隻 玉色爵一連 錫裏紅油牲

匣一個 紅油方香几一個 方銅龍爐一座 香靠全

紅油燈几二個 羊角魴燈一對

從壇紅油牌位供案一張 玉色緞銷金桌衣一件 紅油籩豆供

案一張 玉色緞銷金桌衣一件 方銅燭臺一對 白磁碗三

個 白磁盤二十四個 紅油懷桌一張 玉色緞銷金桌衣一件

件 白磁爵三隻 紅油爵一連 白磁酒盞三十個 錫

裏紅油牲匣一副 紅油方香几一個 銅香爐一

座 香靠全 紅油方燈几二個 羊角魴燈一對 紅

油祝案一張 玉色緞銷金桌衣一件 紅油祝版架一個 羊

角燈一個 紅油孔桌一張 玉色緞銷金桌衣一件 紅油饌

盤二面 饌桌二張 玉色緞銷金桌衣二件 福胙桌二張 玉色

緞銷金桌衣二件 白磁壺一執 白磁爵一隻 白磁盤

一個 壺爵盤係光祿寺預備如遣官俱不設 紅油帛匣二具 紅油

香盒二個 紅油盛玉匣一個 紅油盛金爵匣一

個 盛瘞毛血白磁盆六個 銀杓一把 月白拜

褥三條 紅油金字拜牌三面 壇內鼎爐四座 紅油

香盒四個 四櫺星門紅油桌四張 玉色緞銷金桌衣各一件 方銅

爐四座 紅油香盒四個 東天門北天門紅油桌各一張 玉色

緞銷金桌衣各一件 銅爐二個 紅油香盒二個 焚祝帛香饌鐵燎

爐二座 座燈三十七座

正從壇各用四壇上用五遣官拜次用四四樞星

門各用四 插燈六十座

齋宮外用十二東天門至東樞星門用二十八自北門起甬路

一帶用二十 朝燈八座

壇後用二壇前用四東樞星門外用二

燔牲木柴九百二十觔

如遣官減一百六十觔

木炭十觔

淨冰四十塊

焚帛蘆葦六十觔

製造品物

與天壇同

定盛品物

登一 釧二 簠簋各二 籩豆各十

正從壇同

樂器

與天壇同惟鐘是古銅每生各着玉色銷金花服

太常紀要卷八終

太常紀要卷九

光祿大夫太常寺卿加五級臣江纂編輯

祀禮

太歲壇

神祇壇

太歲壇

在山川壇內明永樂十八年十二月山川壇成

壇建於正陽門外之西與

天壇

俗呼為地壇

繚以垣墻周迴六里中為殿宇以祀

太歲東廡為春秋月將二壇西廡為夏冬月將二壇前為

拜殿殿東南為燎爐西為神庫神厨宰牲亭亭南為

川井即山川壇舊井有龍蟄其中外為四天門東門外為齋宮鑾

駕庫外為壇門

明洪武三年建山川壇於天地壇西正殿七楹凡七壇曰太歲曰風雲雷雨曰五嶽曰四鎮曰四海曰四瀆曰鍾山天壽山之神兩廡從祀六壇左京畿山川夏冬月將右都城隍春秋月將二十一壇增設諸壇於大祀殿環墀之外以孟夏從祀天地每歲山川壇但舉秋祭永樂十八年京師建壇制同祭亦如之嘉靖九年罷太歲從祀天地壇以風雲雷雨從祀園丘以嶽鎮海瀆陵山從祀方澤始別建太歲壇專祀太歲禮官雜議因及陰陽家說十二時所明初肇祀太歲禮官雜議因及陰陽家說十二時所直之神太祖乃定祭太歲於山川壇之正殿而以春夏秋冬四季月將分祀兩廡或謂月將非經見者按禮祭法埋少牢於泰昭祭時也相近於坎壇祭寒暑也太歲實統四時而月將四時之候寒暑行焉今祭太歲月將則固時與寒暑之神也載於祀典孰謂非經見耶嘉靖九年禮臣言太歲之神自唐宋以來祀典不載惟元有大興作祭於太史院亦無常祭國朝始有定祀是以壇宇之制於古無稽按說文太歲木星也一歲行一次應十二辰而一周天其為天神明矣亦宜設壇露祭但壇制無攷應照社稷壇築造高廣尺寸差為減殺庶於禮適宜詔可

正殿

某甲太歲之神居中南向

東廡

正月 二月 三月月將共一壇西向

七月 八月 九月月將共一壇西向

西廡

四月 五月 六月月將共一壇東向

十月 十一月 十二月月將共一壇東向

每歲於孟春享

太廟歲暮祫祭

太廟日祭

太歲月將之神前期十日日本寺 題請遣本寺堂官一員

行禮

前期二日本寺官詣 凝禧殿演禮樂畢於犧牲所

看牲俱隨

太廟行

前期一日本寺官率鋪排厨役人等詣

壇宰牲畢樂舞生陳設樂器厨役洗祭器至夜陳設籩

豆牲隻

陳設

饌卓

禮神帛一段白色

某甲太歲之神

爵 爵 爵

酒 盞 十二 個

鬯 羹 鬯

廬 榛 棗 鬯 黍 稻 藟 藟 菹 魚 醢

臠 芡 栗 鬯 稷 梁 醢 鹿 兔 脾 析

糝 芡 簠 豚 脂

帛

羊 牛 豕 祝卓

冊 肆 四

爵奠帛讀祝儀與各祭同讀祝畢

贊引官贊叩奏樂承祭官三叩頭起立

東廡獻帛爵樂舞生四人

西廡獻帛爵樂舞生四人各捧帛爵分左右其奠帛獻爵儀與

正殿同奠獻畢退樂止典儀官唱行亞獻禮唱樂官唱亞獻樂奏中平之曲

正殿兩廡獻爵俱與初獻儀同典儀官唱行終獻禮唱樂官唱終獻樂奏肅平之曲

正殿兩廡獻爵俱與亞獻儀同典儀官唱賜福胙儀同前惟捧福酒接福酒各用樂舞生一人送胙接胙各用厨役一人飲福受胙畢

贊引官贊叩興承祭官三叩頭起立贊引官贊跪叩興承祭官二跪六叩頭起立典儀官唱徹饌唱樂官唱徹饌樂奏雍平之曲樂止典儀官唱送神唱樂官唱送神樂奏寧平之曲贊引官贊跪叩興承祭官二跪六叩頭起立樂止典儀官唱捧祝帛詣燎位請神牌起帛起祝起饌官各捧由中榻扇門出送詣燎位兩廡起帛饌樂舞生各送詣燎位同

正殿神牌祝版帛饌送於燎爐傍立官一員數帛典儀官

唱望燎樂起贊引官贊詣望燎位贊引官對引官引承祭官
對燎爐立燎舉贊引官奏禮畢引承祭官仍由原經行門出

祝文 孟春

維康熙 年歲次 正月 朔越 日

皇帝遣 致祭於

太歲之神曰茲當孟春謹以牲帛酒果庶品之儀致祭尚

饗

其歲幕儀注陳設樂章俱與春祭同惟祝文茲當
孟春一句改曰歲既云幕節屆新春謹以云云

樂章 樂六奏
舞八份

迎神 保平

吉日良辰祀典孔殷於維太歲月將諸神乘時秉德

輔國佑民遙遙龍馭頓轡九闈壇壝蠲潔延佇來臨

奠帛 安平

維神至止螭駕雲旗洋洋在上淑景延禧束帛承筐

展我誠斯神示昭鑒尚其勿遺神兮弭節薦馨敢後

祀事方初陳饋捧酌晨光熹微嘉祥承候百禮不愆

樂具入奏

亞獻 中平

以我齊明率禮攸行載拜稽首旨酒斯盈牲牲肥膾

交彼神明樽罍上下醴格思成

終獻 肅平

執事有嚴品物斯備非馨黍稷用宣誠意朱絃登歌
綵衣採鱣于胥樂兮神錫爾類

徹饌

雍平

春祈秋報歲省惟勤含醇飲德莫匪明神惟神臨御
盼蠻逡巡獻酬云畢誠敬斯申

送神

寧平

出令明堂神爽卒度報功迎氣崇祀斯作神人以和
既康且樂瞻望景光邈披寥廓

祭品

每祭禮神白色制帛共十三端

正壇用一東
西廡各六

每祭祝版一

白紙糊黃紙鑲邊寫墨字

每祭降真柱香一炷

正壇用

粗降真香二觔五兩

炭餅二十個

每年二祭共用黃蠟六兩重三十二枝 三兩重二

十枝 二兩重八十四枝 一兩重二十枝

每祭黍稷稻粱米各五升 麥麩蕎麥麩各十觔

菁菜四觔六兩 芹菜二觔六兩 韭菜一觔十兩

葱八兩

每祭供酒七十二瓶 滌魚酒二瓶 鹽磚五觔

白鹽二觔

每祭紅棗十觔 栗十三觔 榛仁八觔十二兩

菱米十五觔 芡實十七觔八兩 白糖一觔 花

椒二兩 茴香二兩 蔣蘿一兩 大笋五塊

每祭用牛六正壇及兩廡四壇 每壇各一羹一 羊五正壇及兩廡四壇每壇

各一正壇及兩廡四壇每壇各一 豚胎一正壇及兩廡四壇每壇 鹿一正壇及兩廡四壇每壇

鹿醢正壇及兩廡四壇每壇 兔一正壇及兩廡四壇每壇 薨魚八尾 醢魚十

二觔八兩

器用

正位紅油供案一張黃綾銷金 案衣一件 紅油籩豆供案一張黃綾

銷金案 衣一件 白磁爵三隻 白磁酒盞三十個 白磁

碗三個 白磁盤二十四個 紅油帛匣一具 銅

香爐二個紅油香 盒二個 銅燭臺一對 錫裏紅油牲匣

一副 紅油桌二張黃綾銷金 桌衣二件 紅油孔桌一張黃綾

銷金桌 衣一件 白磁罇三個 盛瘞毛血白磁盤三個

紅油饌盤一個 錫杓一把 紅油炸盤一個 白

磁福酒爵一個 紅油祝案一張黃綾案 衣一件 紅油祝

版架一個 羊角燈一個

兩廡神位紅油供桌四張黃綾銷金 桌衣四件 紅油籩豆供桌

四張黃綾銷金 桌衣四件 白磁爵十二隻 白磁酒盞一百

二十個 白磁碗十二個 白磁盤九十六個 紅

油帛匣四具 銅香爐四個 紅油香盒四個 銅燭臺四對

紅油牲匣四副 紅油桌四張 黃綾銷金桌衣四件 紅油

孔桌二張 黃綾銷金桌衣二件 白磁酒樽六個 盛瘞毛血

白磁盤十二個 紅油饌盤四個 錫杓二把 拜

殿紅油桌一張 黃綾銷金桌衣一件 銅香爐一個 紅油香盒一件

焚祝帛磚爐一座 燂牲木柴一千七百觔 木炭

六十觔 焚帛蘆葦每祭八十觔

製造品物 法同前

定盛品物

登一 釧二 簠簋各二 籩豆各十 正壇及兩廡四壇用

樂器 與大祭同每生各着紅色花補服

遣官告祭儀注

與孟春歲暮二祭同惟迎神後承祭官行上香儀不

分獻從壇不作樂

天神地祇壇 明嘉靖十一年即山川壇為天神地祇二壇於太歲壇南

天神壇方廣五丈高四尺五寸五分四出陛各九級墼

墻方二十四丈高五尺五寸厚二尺五寸櫺星門六

正南三東西北各一內設雲形青白石龕四於壇北

各高九尺二寸五分以雲師雨師風伯雷師為天神

南向

地祇壇面濶十丈進深六丈高四丈四出陛各六級墻
 牆方二十四丈高五尺五寸厚二尺四寸櫺星門亦
 如天神壇內設青白石龕山形三水形二於壇北各
 高八尺二寸左從位山水形各一於壇東右從位山
 水形各一於壇西各高七尺六寸以五嶽五鎮四海
 四瀆諸陵山為地祇北向又以京畿山川西向天下

山川東向從祀

明嘉靖祀典祭雲雨風雷嶽鎮海瀆山川諸神每三
 歲一祭以丑辰未戌年用事隆慶元年禮官議天神
 地祇既從祀南北郊則仲秋不宜復有
 神祇壇之祭罷之而太歲之祭如故


陳設

雲雨風雷四壇

南向左右設

每壇三

饌卓



雲師之神

禮記

卷九 祀禮

九

嶽鎮五山海濱五壇

北向設籩豆牲醴同

京畿山川

西向天下山川東向

籩豆同牲各五

天神壇遣官行禮儀注

承祭官預俟神祇門外太常寺贊引官一員對引官

一員引承祭官進南櫺星門西門至盥洗所盥手畢

引至

壇階下四燈之中立典儀官唱執事官各司其事贊引

官贊就位典儀官唱迎神贊引官贊陞壇引承祭官

由

壇西階登詣香爐前立贊引官贊跪叩與承祭官跪贊上香

三上香畢起立贊引官贊跪叩與承祭官三跪九叩

頭典儀官唱奠帛爵行初獻禮獻爵奠帛讀祝儀與

太歲壇同讀祝畢

贊引官贊叩與承祭官三叩頭起立典儀官唱行亞

獻禮儀與初獻同典儀官唱行終獻禮儀與亞獻同

典儀官唱送神贊引官贊跪叩與承祭官三跪九叩

頭起立典儀官唱捧祝帛詣燎位起祝香帛官各起

祝版香帛由中階送詣燎位焚於燎爐傍立官一員

數帛典儀官唱望燎贊引官對引官引承祭官詣燎

位燎舉贊引官贊禮畢承祭官仍由原經行門出

地祇壇遣官行禮儀注

與 天神壇同承祭官進北櫺星門西門其司香官
奠帛官分嶽鎮海瀆各官一員執爵用樂舞生五嶽
五鎮各五人四海四瀆各四人餘儀同

太常紀要卷九終

太常紀要卷十

光祿大夫太常寺卿加五級臣江繁編輯

祀禮 先農壇

先農壇 在山川壇內明永樂中建

壇建於太歲壇傍之西南為制一成四面石階九級方
廣四丈七尺高四尺五寸四出陛西為瘞位東為齋
宮鑾駕庫東北為神倉東南為具服殿殿前為觀耕
臺臺用木方五丈高五尺南東西三出陛臺南為耕
田護壇地六百畝供黍稷及薦新品物又地九十四
畝有奇每年額稅四石七斗有奇太常寺會同禮部

收貯神倉以備旱潦又壇官種一百九十畝壇戶種二百六十六畝七分嘉靖中建圓廩方倉以貯粢盛歲仲春遣順天府尹致祭遇

上行耕藉禮則親祭之

明洪武元年御史尋道請耕藉田享先農以勸天下上從之二年建壇於山川壇西南南為耕藉北為神倉上親祭先農以戶稷配禮三獻樂八奏百官陪祀隨行耕藉禮已而又奉仁祖配八年遣應天府尹祭不設配上親耕如故永樂中建壇京師制如之耕藉上親祭每歲仲春則遣順天府尹禮樂仍舊弘治元年二月行耕藉禮順天府率兩縣官耆老之後添上中下農夫各十人穿本等衣鞋各執農器引見叩頭令其終畝人賜布一疋時耕藉罷宴及羣臣教坊以雜劇承應左都御史馬文升厲色曰新天子當知稼穡艱難豈宜以此黷亂宸聽即斥去之天順乙酉仲春元辰上親耕於南郊命朝臣從耕於是少保吏部

尚書華蓋殿大學士李賢禮部尚書姚夔兵部尚書王竑工部尚書白圭吏部右侍郎翰林院學士彭時戶部左侍郎楊鼎耕其左廣平侯袁瑄隆平侯張佑定襄伯郭登吏部左侍郎翰林院學士陳文吏部右侍郎尹旻通政使張文質耕其右戶部尚書馬昂進未耕上耕藉三推從耕者各五推九推京尹及赤縣令率耆庶終畝嘉靖九年二月上躬耕藉田三公九卿執事官一十二員昌國公張鶴齡建昌侯張延齡大學士張璠翟鑾吏部尚書方獻夫兵部尚書李承勳戶部尚書李瓚禮部尚書李時刑部尚書許贊工部尚書章拯都察院右都御史汪鉉翰林院學士顧鼎臣進未執事官五員戶部尚書梁材太常寺卿陳道瀛鴻臚寺卿魏境少卿孫伯義順天府尹黎奭令耕藉用樂舞遣官止用教坊奏樂十六年春祭遣戶部尚書復用樂舞四十一一年後仍遣順天府尹免樂舞崇禎七年二月上親祭先農壇行耕藉禮十五年二月上復親祭先農行耕藉禮戶部尚書傅淑訓進耒耜順天府尹張宸極進鞭上左手秉耒右手執鞭三推步行犁土中盡隴而止耕時教坊司引紅旗兩傍唱禾詞老人牽牛二人扶犁二人耕畢戶部尚書

順治十一年二月

皇帝致祭

先農壇行耕藉禮其告祭

太廟禮照順治八年會議例槩行停止

前期二日禮部太常寺官進齋戒牌銅人如常儀

前期一日禮部奏請

皇上陞

中和殿看祝文畢太常寺官捧祝文送至

先農壇禮畢

上暫御

保和殿戶部禮部堂官同順天府官由

午門左門進耕藉器具及種黍種至

太和殿臺下戶部官初進犁杖次進鞭三進

皇上耕藉稻種匣四進諸王耕藉麥種匣穀種匣五進九

卿耕藉菜豆種匣黍種匣捧至

中和殿將犁鞭安放黃桌前地上

皇上耕藉種安於桌上諸王耕藉種安於桌東九卿耕藉

種安於桌西安設畢奏請

皇上出看畢還官戶部官捧至

太和殿臺下順天府官接出由

太和左門

午門左門出安綵亭內作樂送至耕藉所安設

明嘉靖祀典親耕藉田合用田具什物黃龍口等犁牛具順天府造辦彩旗樂人禮部備辦庶人絳衣縹履中襪并大紅紗滿紅燈祭器工部修造教坊司合用樂器銅鑼四面黑油腔大鼓四面小鼓二面黑油腔鼗子四面白鐵鈎青綿繩穿紅油木楸四把木叉四把掃帚四把斗蓬四個蓑衣四領黑油杠四根青綿花繩四根又工部備攷駕祀先農躬耕藉田工部題請將黃龍口犁黃犍牛黃絨鞭黃套索各一紅犁黃牛紅絨鞭紅套索各十二鐵箸鐵鋤木鋤竹筐米篩竹箕荆筐掃帚簸箕各十把二副行順天府辦造

正祭日清晨禮部堂官奏請

皇上躬詣

先農壇致祭行耕藉禮

上具禮服出宮乘輦鹵簿大駕全設不作樂至

先農壇降輦禮部堂官太常寺官導

上進具服殿盥手畢更衣拜位鋪拜褥官詣

御拜幄次內跪鋪拜褥退贊引官對引官導

上進幄次近拜褥立隨

駕二大臣隨後兩傍立王貝勒貝子公等在階下分翼排

立隨祀各官就行禮處排立安拜牌官安拜牌退典

儀官唱樂舞生就位執事官各司其事贊引官奏就

位

上就拜褥立典儀官唱瘞毛血迎神唱樂官唱迎神樂奏

永豐之曲安拜牌官起拜牌贊引官奏陞壇導

上詣香案前贊引官奏上香司香官捧香盒跪

上立上香三上香畢贊引官奏復位導

上復位安拜牌官安拜牌樂止贊引官奏跪

上行三跪九叩頭禮王以下隨祀各官俱隨行三跪九叩

頭禮起立典儀官唱奠帛爵行初獻禮唱樂官唱初

獻樂奏時豐之曲執爵官詣爵案前跪獻爵退奠帛

官詣帛案前跪奠帛三叩頭退讀祝官詣祝案前三

叩頭跪請祝版起立祝案東北樂暫止贊引官奏跪

上跪讀祝官先跪王以下隨祀各官俱跪贊引官奏讀祝

讀祝官讀祝畢起詣帛案前跪安祝版於帛匣三叩

頭退贊引官奏叩奏樂

上行三叩頭禮王以下隨祀各官俱隨行三叩頭禮起立

典儀官唱行亞獻禮唱樂官唱亞獻樂奏咸豐之曲

執爵官獻爵儀與初獻同樂止典儀官唱行終獻禮

唱樂官唱終獻樂奏大豐之曲執爵官獻爵儀與亞

獻同樂止

壇上官一員唱答福胙退飲福受胙儀與祀 天同飲

福受胙畢

贊引官奏叩興

上行三叩頭禮贊引官復贊跪

上行二跪六叩頭禮王以下隨祀各官俱隨行二跪六叩

頭禮起立典儀官唱徹饌唱樂官唱徹饌樂奏屢豐
之曲樂止典儀官唱送神唱樂官唱送神樂奏報豐
之曲贊引官奏跪

上行三跪九叩頭禮王以下隨祀各官俱隨行三跪九叩

頭禮起立樂止典儀官唱捧祝帛饌各詣瘞位起香祝
帛饌官各捧祝帛香饌下中階送詣瘞位贊引官導

上避幄次內東立祝帛饌香出贊引官導

上復位安拜牌官安拜牌典儀官唱望瘞唱樂官唱望瘞

樂奏慶豐之曲贊引官奏詣望瘞位導

上詣望瘞位鋪拜褥官鋪拜褥安拜牌官安拜牌瘞祝帛
饌香於瘞坎蕤瘞瘞坎傍立官一員數帛

上立望瘞位立拜褥上贊引官奏禮畢導

上進具服殿更禮服黃袍少憇各官俱更蟒服禮部堂官
太常寺官奏請詣耕藉所

上至耕藉位南向立從耕各官舊制用三公九卿今預行
題定用三王九卿各詣耕位跼立不耕藉王以下各
官俱在蓆棚外排立彩亭三座陳設左右鴻臚寺官
贊進耕藉耒耜鞭戶部堂官二員北向跪進耒耜鞭

禮部鑾儀衛太常寺官導

上乘耒三推訖教坊司樂工將三十六禾詞各歌一遍後
執彩旗樂工贊和畢鴻臚寺官贊授耕耒鞭戶部
堂官跪受耒鞭各安亭內禮部堂官奏請復位

上復位立戶部堂官順天府堂官執青箱播種即盛種匣耆老

覆土畢禮部官太常寺官導

上陞觀耕臺向南坐次三王各同五推畢順天府廳官於
盛種亭內取各種匣下種耆老覆土畢王等退於各
執事處立諸王俱候

旨坐次九卿各同九推畢順天府廳官於盛種亭內取各
種匣下種耆老覆土畢九卿退於各執事處立禮部
官太常寺官奏耕耒已畢導

駕詣齋宮教坊司作樂

上陞坐王以下文武各官入東西兩旁門分班排立鴻臚
寺官奏順天府縣官率耆老人等叩頭各行三跪九
叩頭禮農夫三十人隨後禮畢府縣從西門出率農
夫至耕耒所終畝王貝勒貝子公坐候耕耒畢府縣
官從東門入鴻臚寺官贊排班王以下文武各官俱
排立鴻臚寺官於齋宮門外東旁西向跪奏

親耕既成禮當慶賀贊禮官贊跪叩興王以下各官行三

跪九叩頭禮興贊退各官俱退諸王於齋官內貝勒以下於臺下分班行叩頭禮興序坐

上進茶王以下各官俱就坐行一叩頭禮飲茶畢

上御後殿少懋光祿寺官設宴桌完備禮部堂官奏請

上出作樂王以下各官俱排立

上陞座眾皆就位行一叩頭禮序坐進宴教坊司作樂進

酒王貝勒貝子公在殿臺上各官在臺下各就坐處

行一跪一叩頭禮各就坐位筵宴者老亦於壇旁坐

宴畢鴻臚寺官贊排班王貝勒貝子公在臺上各官

在臺下排立行一跪三叩頭禮畢王以下各官出齋

官外排立候

駕輿鹵簿導從作樂還宮至

天安門外橋南不陪祀文武各官俱跪迎候

駕過

午門鳴鐘

上回宮王以下各官皆散 禮部請

旨將耕藉二牛交與內牛圈牧養死後埋覆其耆老六十

名每名賞布一疋

康熙十一年二月

上躬祭

先農壇行耕藉禮前期一日遣官告祭

奉先殿餘儀俱照順治十一年舉行

每歲仲春遣官行禮儀注

承祭官預在內圍東角門內候太常寺贊引官一員
對引官一員引承祭官由甬路至

壇前贊引官贊詣盥洗所承祭官盥手畢至

壇下四燈之中行禮陪祀大興宛平二縣知縣官二員
作教坊樂送祝帛詣瘞位承祭官不避立餘儀同

祝文

維康熙

年歲次

月

朔越

日

皇帝

致祭於

先農之神曰惟

神肇興農事萬世永賴茲當東作之時躬耕藉田祈諸物
豐茂為民立命謹以牲帛酒醴庶品之儀致祭尚

饗

樂章

樂七奏
舞八佾

迎神

永豐

勾芒秉令土牛是驅天下一人蒼龍駕車念彼田疇
民命所需生成有德尚式臨諸

奠帛

時豐

先農神哉耒耜教民田祖靈哉稼穡是親功德深厚
天地同仁肅將幣帛肇舉明禋厥初生民高彙莫辨
神錫之庠嘉種乃誕執茲醴齊農功益見玉瓚椒醕
肅雍舉奠

亞獻

咸豐

上厚下隰百穀盈止粒我蒸民秀良興起樂舞俱備
吹豳稱兕再躋以獻肴馨酒旨

終獻

大豐

糜芑秬秠維神所貽以神饗神曰予將之秉耒三推
東作允宜五風十雨率土何私

徹饌

屢豐

於皇農事自古為烈莫敢不承今茲忻悅籩豆既豐
簠簋云潔神視井疆執事告徹

送神

報豐

麻麥芄芃秠稻連阡縱橫萬里皆神所瞻人歌鼓腹
史載有年歲有常典萑祿綿延

望瘞

慶豐

玉版蒼幣來鑒來歆敬之重之藏於厚深典禮由古
予行自今樂樂利利國以永寧

祭器

祝版一 白紙糊黃紙鑲邊寫墨字

青色禮神制帛一端

圓柱降真香一炷 降真香二十塊 粗降香二觔

六兩 炭餅十個 一年朔望共用粗降真香一觔

八兩 炭餅二十四個

黃蠟六兩重四枝 三兩重十枝 二兩重三十枝

一年朔望用二兩重四十八枝

黍稷稻粱米各一升 麥麩蕎麥麩各二觔 菁菜

一觔六兩 芹菜十二兩 韭菜十二兩 葱六兩

供酒八瓶 滌魚酒一瓶 鹽磚一觔 遇耕藉供用同 紅棗

栗 榛仁 菱米 芡實

白糖 花椒 茴香 蒔蘿

大筍

牛二 羹一 羊一 豕二 豚肋一 鹿一 醢用 兔

一 醢用 醢魚二觔八兩 藟魚

器用

神位紅油供案一張 黃綾銷金案衣一件 紅油籩豆供案一張 黃綾

銷金案衣一件 紅油懷桌一張 黃綾銷金桌衣一件 白磁爵三隻

白磁酒盞三十個 白磁碗三個 白磁盤二十

四個 香燭供案一張 黃綾銷金案衣一件 銅香爐一個 紅油

香盒一個 銅燭盤一對 錫裏紅油牲匣一副 紅油

祝案一張 黃綾銷金 案衣一件 紅油祝板架一個 羊角燈

一個 紅油孔桌一張 黃綾銷金 桌衣一件 紅油接桌一張

黃綾銷金 桌衣一件 紅油帛匣一具 白磁酒罇一個 錫

杓一把 紅油饌盤一個 饌桌一張 黃綾銷金 桌衣一件

階下銅香爐二個 紅油香 盒二個 紅油桌二張 黃綾銷金 桌衣二件

四 天門銅香爐四個 紅油香 盒四個 紅油桌四張 黃綾銷金

桌衣 四件 盛瘞毛血白磁盤三個 瘞祝帛香饌池一

方 如遇耕藉

皇上親祭設紅油酒胙桌二張 黃綾銷金 桌衣二件 白磁爵一隻

白磁壺一把 白磁盤一個 俱光祿 寺預備 又拜褥二

條 紅油拜牌三面 其餘器皿與常祭同

燔牲木柴四百六十觔 木炭十觔 如遇耕藉

皇上親祭之年木柴九百五十觔 木炭三十觔 焚帛

蘆葦六十觔 如遇耕藉

皇上親祭之年同

製造品物 法與前同

定盛品物

登一 鉶二 簠簋各二 籩豆各十

樂器 與 天壇同

太常紀要卷十終

太常紀要卷十一

光祿大夫太常寺卿加五級臣江繁編輯

祀禮 歷代帝王廟 帝王陵 傳心殿

歷代帝王廟

廟在阜城門內西四牌樓大街之西殿名景德崇聖之
殿東西兩廡南砌二燎爐殿後為祭器庫殿前為景
德門門外東為神庫神廚宰牲亭鐘樓西為住持房
又前為廟街門東西二坊曰景德立下馬牌

明嘉靖十年三

建月

明洪武元年祀三皇用太牢以勾芒祝融風后力牧
配四年令天下立三皇廟歲春秋祭已而令祭於陵

是年命禮官參考歷代聖帝賢王但在中原安養人
民者三十四君合祀之擇歷代名臣始終全節者三
十五人從祀六年建帝王廟於金陵七年始設塑像
未幾遇火又建於雞鳴山之陽又增歷代帝王一壇
於大祀殿環墀之外以孟春從祀天地本廟惟仲
秋遣官祭子午卯酉年秋傳制祭陵停廟祭永樂都
燕未遑設帝王廟僅於郊壇附祭嘉靖十年始為位
於文華殿而祭之其年因中允廖道南請令工部相
地以阜城門內保安寺故址整潔且通西壇可於此
置廟上從其言遣工部侍郎錢如京督工次年夏竣
役上親臨祭今
帝王廟是也

殿中奉安

太昊伏羲氏

炎帝神農氏

黃帝軒轅氏

東一奉安

帝金天氏

帝高陽氏

帝高辛氏

帝陶唐氏

帝有虞氏

東二奉安

唐太宗皇帝

遼太祖皇帝

金太祖皇帝

金世宗皇帝

西一奉安

夏禹王

商湯王

周武王

漢高祖皇帝

漢光武皇帝

西二奉安

宋太祖皇帝

元太祖皇帝

元世祖皇帝

明太祖皇帝

東廡上

風后 臯陶 龍 伯益 傅說 召公奭

召穆公虎 張良 曹參 周勃

西廡上

力牧 夔 伯夷 伊尹 周公旦 太公望

方叔 蕭何 陳平 鄧禹

東廡下

馮異 房玄齡 李靖 李晟 張巡 岳飛

惑羅 幹離不 粘木忽 木華黎

西廡下

諸葛亮 杜如晦 郭子儀 許遠 曹彬

韓世忠 伯顏 徐達 劉基

進齋戒牌銅人 如常儀

視祝版 如常儀

省牲視牲 如常儀

陳設

金太祖皇帝

唐太宗皇帝

遼太祖皇帝

金世宗皇帝

籩豆四案 牲三 共一壇

帝陶唐氏

帝高陽氏

帝金天氏

籩豆五案

牲三

共一壇

帝高辛氏

帝有虞氏

炎帝神農氏

太昊伏羲氏

籩豆三案

牲三

共一壇

黃帝軒轅氏

漢高祖皇帝

商湯王

夏禹王

籩豆五案

牲三

共一壇

周武王

漢光武皇帝

元世祖皇帝

宋太祖皇帝

元太祖皇帝

籩豆四案

牲三

共一壇

明太祖皇帝

東廡

木華黎 粘木忽 幹離不 咸羅 岳飛 張晟 李靖 李房空 馮異

共籩豆一案

共籩豆一案

共籩豆一案

共籩豆一案

共籩豆一案

十位共二壇牲二

十位共二壇牲二

周勃 曹參 張良 召猛 召公奭 說益 龍伯益 阜陶

共籩豆一案

共籩豆一案

共籩豆一案

共籩豆一案

共籩豆一案

西廡

劉基 徐達 顏世 韓忠 許遠 曹彬 郭子儀 杜如晦 諸葛亮

籩豆一案

共籩豆一案

共籩豆一案

共籩豆一案

共籩豆一案

九位共二壇牲二

十位共二壇牲二

鄧禹 陳平 何叔方 周旦 公望 伊尹 伯夷 夔力 牧

共籩豆一案

共籩豆一案

共籩豆一案

共籩豆一案

共籩豆一案

皇帝親詣行禮儀注

順治十三年十二月庚子

上躬祭

歷代帝王先期致齋二日照常備辦牲醴香帛鑾儀衛設
鹵簿設

上拜位於

帝王廟殿中設御幄於景德門外左祭日清晨

上乘輿由長安右門出至廟由中門入至幄前降輿入盥
洗訖更禮服由中門中道至拜位典儀唱樂舞生就
位執事官各司其事內贊奏就位

上就拜位典儀唱迎神樂作奏詣香案前上香

上三上香訖奏復位樂止贊行二跪六叩頭禮典儀唱
奠帛行初獻禮作樂執事官各捧帛捧爵跪獻於各
神位前樂暫止奏跪

上跪贊讀祝讀訖內贊奏行三叩頭禮興樂作樂止典儀
唱行亞獻禮樂作樂止典儀唱行終獻禮樂作樂止
太常寺卿進立於壇東西向唱飲福受胙內贊奏詣
飲福位奏跪奉福酒官跪進於

上右內贊奏飲福酒

上飲訖奉福胙官跪進於

上右內贊奏受胙受訖奏行三叩頭禮贊興奏復位奏行
兩跪六叩頭禮興典儀唱徹饌樂作執事官於各
神位前徹饌訖樂止典儀唱送神樂作內贊奏行兩跪六
叩頭禮樂止典儀唱讀祝官捧祝進帛官捧帛掌祭
官捧饌各詣燎位樂作內贊奏禮畢樂止
上至御幄易服還宮

遣官行禮儀注

承祭官兩廡分獻官四員俱在景德門外候本寺贊
引官一員對引官一員引承祭官由景德門西門進
盥手畢至拜位立分獻官由西傍門進分東西立典
儀唱迎神樂奏雍平之曲樂止承祭官分獻陪祀各
官俱行三跪九叩頭禮立典儀唱奠帛行初獻禮樂
奏安平之曲承祭官詣中壇

太昊伏羲氏位前立贊跪上香三上香畢詣

炎帝神農氏位

黃帝軒轅氏位上香儀同中壇之左再左中壇之右再右
用太常寺堂上官四員分東西詣

諸帝王位前與承祭官詣中壇上香儀同分獻官詣兩廡
各配享位上香儀同上香畢引承祭官詣

太昊伏羲氏位帛案前立贊奠帛承祭官奠帛不叩頭

退四壇獻帛儀同分獻官於兩廡配享位獻帛儀同奠帛畢引承祭官詣爵案前立贊獻爵各壇同讀祝官詣祝案前三叩頭請祝版承祭官詣讀祝位樂暫止承祭官分獻官陪祀官俱跪讀祝畢起詣

太昊伏羲氏帛案前跪安祝版於帛匣三叩頭起退奏樂承祭官陪祀官俱三叩頭起復位兩廡分獻官俱復位樂止典儀唱行亞獻禮樂奏中平之曲承祭官陞壇獻爵分獻官詣兩廡獻爵儀俱與初獻同典儀唱行終獻禮樂奏肅平之曲

正殿兩廡獻爵儀俱與亞獻同典儀唱徹饌樂奏寧平之曲樂止唱送神樂奏壽平之曲贊跪承祭官分獻官陪祀官俱行三跪九叩頭禮樂止執事官各捧祝帛香饌出中門行中甬路各詣燎位焚祝帛香饌於燎爐贊禮畢承祭官出分獻官陪祀官俱隨出

祝文

維康熙

年歲次

月

朔越

日

皇帝遣

致祭於

太昊伏羲氏

炎帝神農氏

黃帝軒轅氏

帝金天氏

帝高陽氏

帝高辛氏

帝陶唐氏

帝有虞氏

夏禹王

商湯王

周武王

漢高祖皇帝

漢光武皇帝

唐太宗皇帝

遼太祖皇帝

金太祖皇帝

金世宗皇帝

宋太祖皇帝

元太祖皇帝

元世祖皇帝

明太祖皇帝曰仰惟

諸帝昔皆奉

天撫世創治安民思不忘報祭於春秋時謹以牲帛酒醴庶

品之儀致祭於

諸帝尚

饗

樂章 樂七奏
舞八佾

迎神 雍平

乘時兮極隆造經綸兮顯融總古今兮一揆貽大寶

兮微躬仰徽猷兮有嚴闕宮儀羣帝兮後先予稽首

兮下風

奠帛 安平

靈之來兮儼若盈予仰止兮在庭承筐篚兮既登偃

靈蓋兮結翠旌鑿予情兮忻享薦芳馨兮肅成景行

兮六龍嘉氣兮曠曠奠犧尊兮以笙以鏞羣工肅兮

屏營惠我懿則兮允中

亞獻 中平

貳觴兮酒行諸帝熙和兮悅戒念昔致治兮永清瞻

龍袞兮自天紹錫兮嘉平

終獻 肅平

瑤爵兮獻終萬舞洋洋兮沐清風龍鸞徐整兮企予

嗣徽音兮何從盼雲車兮緩移示周行兮迪予衷

徹饌 凝平

饁肴烝兮畢升五音會兮滿盈禮將徹兮告虔鑿孔
忱兮載翼載登

送神 壽平

旛幢繚繞兮動回風和鸞并馭兮歸天宮五雲擁兮
高馳翔願迴靈盼兮錫年豐

望燎

羣龍驂駕兮一氣中焄蒿分烈兮實冥通望神光兮
遙燭惟終古兮是崇

祭品

祝版一 白紙糊黃紙鑲邊寫墨字

每祭禮神白色制帛二十一段 正殿用

每祭白色素帛三十九端 兩廡用

每祭圓柱降真香二十五炷 正殿用二十一炷
兩廡用四炷

每祭細降真香二觔五兩五錢 粗降真香八觔

炭餅九十八個 一年朔望共用粗降真香一觔八

兩 炭餅二十四個

二祭共黃蠟六兩重八十四枝 三兩重四十八枝

二兩重三百四十枝 一兩重二十枝 一年朔

望共用二兩重四十八枝

每祭黍稷稻粱米各四斗一升 麥麩蕎麥麩各四

十二觔 白菜三十二觔六兩 芹菜二十一觔六兩 韭菜十一觔六兩 葱一觔十二兩

每祭共酒三十六瓶 滌魚酒二瓶 鹽磚二十一

觔 白鹽五觔

每祭紅棗八十觔 栗一百觔 榛仁三十六觔十

二兩 菱米六十三觔 芡實七十三觔八兩 白

糖三觔 花椒八兩 茴香八兩 蒔蘿四兩 大

笋二十一塊

每祭牛六 正殿五壇用五羹一 羊九 正殿五壇用五東西廡四壇用四

豕十一 正殿五壇用五東西廡用四豚胎二 鹿一 正殿二十一案兩廡二十案

鹿脯鹿醢用 兔十四 正殿五壇東西廡四壇兔醢用 鯪魚二十四

尾 醢魚四十二觔

器用

正位紅油泥金雕龍寶座二十一座 脚踏地平全 黃織錦靠

各三件 褥各一件 紅油籩豆供案各一張 黃綾案衣

各一件 白磁爵各三隻 白磁碗各三個 白磁盤

各二十四個 紅油供帛香案各一張 銅香爐各

一個 香靠全 銅燭臺各一對 紅油香盒各一個

正位五壇每壇錫裏紅油牲匣各一副 紅油帛匣各一

具 紅油饌盤各一面 饌桌各一張 黃綾案衣各一件

白磁酒罇各一個 盛瘞毛血白磁盤各三個 錫

杓二把 紅油祝案一張 黃綾案 衣一件 紅油祝版架一

個 羊角燈一個 紅油孔桌二張 黃綾桌 衣二件 紅油

接桌二張 黃綾桌 衣二件 殿內小銅香爐八個 紅油香

几八個 陛上鼎爐四座 階下鼎爐八座 景德

門銅爐一座 紅油香几各一個 紅油香盒 各一個

東西兩廡三十九神位每位白磁爵三隻 白磁碗一

個 二位共籩豆案一張 紅綾案 衣一件 銅燭臺一對

白磁盤十個 十位合一壇每壇錫裏紅油牲匣各

一副 紅油帛匣各一具 紅油饌盤各一面 紅

油香帛供案各一張 銅香爐各一方 紅油香盒 各一具

盛瘞毛血白磁盤各二個 白磁酒罇東西廡各一

個 紅油孔桌各一張 紅綾桌衣 各一件 錫杓各一把

焚祝帛鐵燎爐一座 座燈三十二 正殿用二十四 兩廡各用四

插燈六十八 兩廡門外各六臺階上下用二十四 景德門內外用十六廟街門內外用

六十 每祭燔牲木柴二千三百觔 焚帛楊木四十觔

松木四十觔 木炭十觔 秋祭加淨冰六十塊

焚帛蘆葦每祭一百六十觔

製造品物 法與 天壇同

定盛品物

登一 劔二 簠簋各二 籩豆各十 正殿二十一位用

劔二 簠簋各一 籩各四 劔鹽 棗 栗 豆各四 菁

鹿醢 芹 兩廡二十案同

菹 兔醢 樂器 與 天壇同各生俱着紅色銷金花服

帝王陵

伏羲氏商高宗

俱陳州祭

漢光武

孟津縣祭

宋太祖太宗真宗仁宗

俱鞏縣祭

以上並屬河南

神農氏

鄆縣祭

舜帝

寧遠縣祭

以上並屬湖廣

軒轅氏

延安府中部縣祭

周文王武王成王康王漢景帝 俱西安府咸陽縣祭

漢高祖 唐宣宗 俱涇陽縣祭

漢文帝 咸寧縣祭

漢武帝 興平縣祭

漢宣帝 長安縣祭

後魏文帝 富平縣祭

唐高祖 三原縣祭

唐太宗 醴泉縣祭

唐憲宗 蒲城縣祭

以上並屬陝西

高陽氏 高辛氏 俱滑縣祭

商中宗 內黃縣祭

以上並屬北直隸

堯帝 東平州祭

少昊氏 曲阜縣祭

以上並屬山東

媯皇氏 趙城縣祭

商湯王 滎河縣祭

以上並屬山西

夏禹王 宋孝宗 宋理宗 俱浙江紹興府會稽縣祭

明太祖 江南江寧府 縣祭

傳心殿

傳心殿在文華殿之東奉伏羲神農軒轅堯舜禹湯文

武九聖南面周公孔子左右東西向歲春秋開講於

文華殿前一日用奠酒果脯帛行奠告禮

明天順八年始開經筵歲以二八月中旬始四十月
 下旬止先期於文華殿設金鶴香爐於寶座之南左
 右各一香爐之東南設御案講案各一案上置進講
 書鎮以金尺至期知經筵官勳臣閣學講官暨九卿
 鴻臚錦衣指揮使及四品以上寫講章官俱繡金緋
 袍展書翰林官與侍儀御史給事中俱青繡服大漢
 將軍二十人導駕至左順門外宣入將軍負東西墻
 則易金繡蟒衣綴立文華門外宣入將軍負東西墻
 立諸臣行禮畢升陛由殿東西門入序班舉御案進
 上前隨舉講案講官出班立展書官二員出班對立
 講官行禮與東展書官膝行詣御案展四子書講義
 講官進講畢退西展書官展經義儀亦如之講畢上

諭官人喫酒飯各官承旨出拜丹陛下乃詣左順門
之
謙以官序惟學士序鴻臚及四品以上寫講章之官
右

陳設

皇師伏羲氏

皇師神農氏

皇師軒轅氏

帝師陶唐氏

帝師有虞氏

王師夏禹王

王師商湯王

王師周文王


王師周武王九位居中南向

先聖周公位居東西向

先師孔子位居西東向

禮神帛一段白色

皇師伏羲氏




祝卓

皇師神農氏以後八案陳設俱同

同神冊

禮神帛一段白色

先聖周公



先師孔子一案陳設同

司尊卓

皇太子行禮儀注

祭日太常寺堂上官赴

後左門啟奏時辰太常寺贊引官一員對引官一員執

燈官二員預在隨墻門恭候

皇太子自文華門至降輿入景行門進

殿近拜褥立二大臣隨於榻扇門外立典儀官唱執事官

各司其事贊引官贊就位

皇太子就拜褥上立各

位前司香官一員捧香盒詣各香案立贊引官導

皇太子詣

皇師伏羲氏香爐前立贊引官贊上香司香官跪

皇太子立上香三上香畢

皇太子詣各

位前上香儀同贊引官贊復位

皇太子行二跪六叩頭禮讀祝官詣祝桌前三叩頭跪

請祝版贊引官贊跪

皇太子跪讀祝官讀祝畢起詣

皇師伏羲氏位帛案前安祝版於帛匣三叩頭起退

皇太子行三叩頭禮立贊引官復贊跪

皇太子行二跪六叩頭禮立典儀官唱捧祝帛詣燎位

贊引官導

皇太子避立拜位東祝帛香出贊引官導

皇太子復位立祝版

皇帝王師位帛焚於大鐵爐內

先聖周公位

先師孔子位帛焚於小鐵爐內各立官一員於爐傍數帛

贊引官贊禮畢

皇太子出陞輿回宮

遣官行禮儀注

承祭官預在東邊門內由景行門之西山墻路行在

殿外正中行禮祝帛香出時承祭官避立拜位西餘儀

同

經筵春秋祝文

維康熙

年歲次

月

朔越日

皇帝遣

致祭於

皇師伏羲氏

皇師神農氏

皇師軒轅氏

帝師陶唐氏

帝師有虞氏

王師夏禹王

王師商湯王

王師周文王

王師周武王

先聖周公

先師孔子聖位前曰兩儀既闢開治統道統之原千聖同

歸建作君作師之極自上古鴻濛而降迄一中授受

以來

五帝開天乘時而迭運

三王治世異尚而同功制作大備於

元公刪述集成於

宣聖繼修明之後仰溯傳心綜道法之詳緬惟典學羹墻

如見會列聖於一堂俎豆用馨紹斯文於萬禩惟啟

承之永賴冀陟降之匪遙肅薦明歎伏祈

歆格尚

饗

會講春秋祭文

維康熙

年歲次

月

朔越日

皇太子睿名敢昭告於

皇師伏羲氏

皇師神農氏

皇師軒轅氏

帝師陶唐氏

帝師有虞氏

王師夏禹王

王師商湯王

王師周文王

王師周武王

先聖周公

先師孔子聖位前日前聖作則弘開道法之原後學觀型

務殫圖書之蘊風規未遠仰企彌殷體天地以垂模

遠宗

古帝並贊文而建統遐溯

詰王禮樂大備於

元公詩書集成於

宣聖學期遜志念切景行茲因會講之辰恭行釋菜之典

式昭馨薦伏冀來

歆謹告

祭品

禮神制帛十一端 白色

祝版一 白紙糊寫墨字 經筵不填寫 御名 會講填寫 睿名

降真圓柱香十一炷 降真細塊香十六兩五錢 每位

一兩 五錢

銅一碗 醯醢一盤 鹿醢一盤 圓眼一盤 栗

子一盤

皇師 帝師 王師九位每位各一案每案各一

碗四盤

銅一碗 圓眼一盤 栗子一盤


先聖 先師二位同每位各一案每案各一碗二

盤

酒三罇 正九位一罇 周公孔子各一罇 牛一 十一案 銅 猪一

九案 鹿一 九案 醢 各一盤

座燈八盞 殿內用四景 行門內用四



太常紀要卷十一 終

文淵閣

